

中華民國郵政局特准掛號認爲新聞紙類

中 華 民 國 三 年 八 月 廿 四 號  
湖 南 官 報 局 印 行

# 湖 南 政 報

## 本 報 價 目

一 本報按州陽歷每日出版一本  
一 每份每月收回大洋六角  
一 零售每份銅元四枚

一 外埠購報郵費以購報之多寡酌加  
一 未獲送報如有遺漏請即函告以便補發

湖南官警報局廣告

啓者本局印刷廠製出官紙印刷極精取價極廉已呈由 靖武將軍兼巡按使通令各機關來局購用在案查本局印製各種官紙概由學院街本局總發售處出售並無委託商店代銷情事倘各商店有售賣本局製造之官紙者即係假冒射利一經查覺定即呈請 靖武將軍兼巡按使嚴懲不貸恐未週知特此登報宣告

湖南官書報局廣告

啓者本局前在省城文運街設立總發行所經理出售官紙書報等項現因距局太遠照料不便將該所歸併局內照舊設櫃減價出售嗣後各處有訂印新式官紙購買書報等件者請直接本局交易決不致誤特此登報聲明

本報廣告

本報每日於上午發行派役分段投送勿論城內城外本日必能送達如有愆期情事即係該役怠惰務請隨時函知以憑整飭爲荷



目錄

令

大總統批令 八則

飭

靖武將軍兼巡按使飭

飭高等檢察廳

據安縣知事詳獄員丁爰  
孝行有虧請迅委接充由

飭各機關

准審計院咨送修正審計  
條例及理由飭行查照由

詳批

靖武將軍兼巡按使批

批財政廳詳查明徐煜南被押原因由

批麻陽縣知事詳報違飭改定警區名稱由

批新田縣知事詳縣屬路股倉穀均被五鄉事務所黨徒侵蝕擬勒令查追變產歸還由

呈

財政部呈辦理驗契酌擬保護辦法請核示文並 批令

照會

德俄奧 公使致外交部照會 四則

外交部復與德俄公使照會 四則

廣告



令

大總統批令

國務卿呈據銓叙局詳稱擬定比照官職核算年資辦法開摺呈核由  
准如所擬辦理摺併發此批

大總

統印

中華民國三年八月六日

大總統批令

外交部呈法政府召集軍隊法使照請准中國雇用之法人回國服役等語應請令下京  
外各機關一律遵照由

應准照辦即由該部通行知照此批

大總

統印

中華民國三年八月六日

大總統批令

外交部呈俄德兩國開戰照錄德使照會請鈞鑒由

據呈已悉附件存此批

大總統  
統印

中華民國三年八月六日

大總統批令

外交部呈准義使照稱義國對於歐洲戰事宣告中立鈔錄照會呈請鈞閱由  
呈悉鈔件存此批

大總統  
統印

中華民國三年八月六日

大總統批令

內務部呈擬定地方公益事宜調查表式繕具說明書并擬限於文到四個月內按照表  
式詳列報部請核准通行由  
准如所擬辦理即由該部通行遵照附件存此批

大總統  
統印



中華民國三年八月六日

大總統批令

財政部呈驗契期滿擬變通條例酌定加倍收費分期辦法請核示由  
准如所擬辦理即由該部通行遵照此批

大總

統印

中華民國三年八月六日

大總統批令

財政部呈辦理驗契酌擬保護辦法請核示由  
准如所擬辦理即由該部通行遵照此批

大總

統印

中華民國三年八月六日

大總統批令

參謀本部呈各將軍行署參謀長多係以前都督府參謀長接充應否再行呈請任命據

情呈請示遵由

各省將軍行署參謀長多係接任人員應毋庸再行薦任以省繁牘即由該部通行知照此批

大 總  
統 印

中華民國三年八月七日



飭

湖南巡按使公署飭

爲飭行事案據安鄉縣知事康守訓詳稱獄官孝行有虧抗不交印請電示祇遵事竊維人倫之大孝行爲先本月二日傳聞管獄員史策芳之父病故因嫌棺木價昂將修監獄之薄板製成棺知事當飭驗契所所員譚鶴亭尹劼秋前往開導謂棺過薄恐有物議該員答以於心無愧外人不必干涉旋據該員所報其父病故知事當即會同承審員李澍生往弔唁其不應用此薄板該員答以此係內棺俟搬回湘潭原籍再加以榔詰以湘潭係一水之地非山路崎嶇可比因何用榔該員無言回答知事即將製棺木餘料檢視厚不及五分并飭照像館照成一片以爲憑據隨查獄內人犯已達百餘人之多該員料理喪事斷難兼顧是以委令署內職員李德藩暫代詎李德藩面稱奉委接事史獄員謂渠曾經辭職現未奉高檢廳批示未便交印等語知事覆查史獄員所爲情形實於孝行有虧其心已不可問迨經知事派員接代復敢抗不交印知事有管獄之責設有疏虞咎將誰歸究應如何辦理嚴懲之處除詳報高等審檢廳外理合將餘料木板及照片一併賈請鈞署俯賜查核迅賜電示祇遵實爲公便等情到署除批詳及照片木板均悉查管獄員受知事直接管轄已經通飭遵照在案據稱史管獄員策芳既片報父故由縣委員暫代抗不交印實屬謬妄已極仰高審檢廳迅速遴派委員接充以重職守至稱該典獄員孝行有虧等情該知事與居一城義屬同僚其人內行涼薄自宜婉譬



善導以全大倫何必將照像木板上呈證成其罪啓訐發陰私之漸絕與人爲善之端既近挾嫌復傷忠厚深爲該知事所不取也仰卽知照此批印發外合行飭仰該廳即便遵批辦理切切此飭

靖武將軍兼巡按使湯薌銘

右飭高等檢察廳

准此

湖南民政長印

中華民國三年八月二十日

湖南巡按使公署飭

爲飭知事案准 審計院咨開本院業經成立審計法未定以前先就審計條例查其與現行

法令稍有牴觸各條酌加修訂說明理由繕摺呈請 大總統核示施行奉批令如擬修正

卽由該院通行遵照清摺存此批等因應將修正條例條文暨修正理由刷刊成冊檢送二分

咨請查照辦理並請轉飭所屬各機關一律遵照等因准此除通行外合行飭仰該

廳道尹局卽知事校

便查照此飭

計發審計院修正審計條例一冊

靖武將軍兼巡按使湯薌銘



湖南民  
政長印

中華民國三年八月十八日

右飭各機關

准此

詳批

靖武將軍兼巡按使批

批財政廳詳查明徐煜南被押原因由

據詳該分委欠解帖捐一千九百餘兩延不遵繳自應傳案勒追仰該廳即便轉飭長沙縣知事從嚴追繳毋任狡延切切此繳

批麻陽縣知事詳報遵飭改定警區名稱由

詳表均悉該縣改定警察區域尙無不合應准如詳備案仰即知照此繳表一紙存

附原詳

詳爲改定警區名稱懇乞備案事案查前奉鈞署內字第八四二號訓令飭即轉行警長將管轄區域名稱從速更定列表呈由知事轉報備案等因奉此當經知事轉行去後茲據麻陽縣警務長楊汝驤詳稱爲詳覆事案奉飭開奉湖南行政公署內字第八四二號訓令開內務司案呈查各縣警務公所前經本公署通飭改爲警察事務所并飭各該管知事就其管轄區域內之城鎮鄉設有警察者得劃分若干區每區設區官一人辦理該區警察事務雖有不同名稱應歸一律茲經本公署將各該所管轄區域名稱妥爲酌定如各縣城內稱爲警察中區其餘各鎮鄉住於縣之東者則稱爲警察東區住於縣之西者則稱爲警察西區南北亦然其繁盛之城鎮鄉範圍過廣必須添設者如中區則加中



一中二等字樣東西南北區亦如之庶於警政前途得臻劃一除通飭外合行令仰該知事即便轉飭該警務長將管轄區域名稱從速更定仍飭將更定名稱列表呈明由該知事轉報備案切切毋違此令等因奉此合行令飭仰該警務長即便遵照辦理仍將更定名稱列表呈署以憑轉呈案關警政毋稍舛延切切此令等因奉此警長遵即按分區域更定名稱茲查縣城原設一警察署則改爲警察中區屬於縣之東者桐雲鄉則改爲警察東一區高村鄉河道係由桐雲鄉順流直下則改爲警察東二區石橋鄉在縣之南則改爲警察南區仁懷鄉在縣之西則改爲警察西區巖門鄉所轄地界半與鎮筇接壤在縣之北則改爲警察北區除飭各區遵照外理合將更定名稱列表詳請鑒核轉詳備案謹詳等情據此知事查核該警長所改各警區名稱尙屬合法正據情轉報間適奉鈞署第五二九號飭開爲通飭事案照各縣警察區域現已通飭一律更定名稱從前鈐記自應刊換以符名實惟恐各屬辦理參差致滋歧異茲由本公署明定辦法此項鈐記式樣長二寸二分寬一寸四分用木質文曰某某縣警察某幾區區官鈐記如縣名係一字者鈐記上加一之字均由縣知事刊發應用詳報本公署立案用昭信守而歸劃一合行通飭爲此飭仰該知事即便遵照辦理再各縣附設水警辦法既係仍舊應毋庸刊換鈐記合併飭知毋違此飭等因奉此除遵照明定各區官木質鈐記式樣分別刊發啓用後另文詳報外所有更定各警區名稱理合具文詳報鈞署俯賜查核備案謹詳



批新田縣知事詳縣屬路股倉穀均被五鄉事務所黨徒侵蝕擬勒令查追變產歸還由  
詳悉以擬傳集各該戶族查明侵蝕公款若干勒令變賣家產作抵等情自屬可行惟查照  
法令不得由個人私設機關該縣五鄉事務所現在已否銷滅如尙有此項名目應由該縣  
嚴飭取銷具報核奪此批抄由發



呈

財政部呈辦理驗契酌擬保護辦法請核示文並

批令

爲辦理驗契酌擬保護辦法以杜弊端仰祈鈞鑒事竊查此次辦理驗契原爲保護人民財產起見惟流弊甚多不能不預爲防範聞各省往往有地非已有漫填契紙赴官投驗預爲侵佔地步俟原主發見後與之爭執而所持舊契又未報驗不足作爲證憑以此提起訴訟膠轕殊多本擬由部通飭各省嗣後持契報驗應由驗契所先將契紙暫存一面將契內所載契主暨田房座落丈數分別錄出張榜於各該區內以一個月爲限限滿如果無人爭執始准驗契發回此種辦法原極周妥唯填榜手續既繁而驗契期間太緩究於人民諸多未便再三籌度不能不變通辦理擬以驗契所內所存註冊底簿凡屬業戶均許隨時到所查閱遇有假冒等弊准由原主告發持契證明如果屬實應由地方官追銷假契作爲無效並按照新刑律規定侵佔之罪處以有期徒刑似此嚴定辦法庶弊端可期杜絕而人民財產得收保護之實益所有辦理驗契酌擬保護辦法緣由是否有當理合呈請  
大總統鑒核批示遵行謹  
批令准如所擬辦理卽由該部通行遵照此批

大總統  
統印

中華民國三年八月六日





## 照會

奧訥使致外交部照會 七月二十七日

爲照會事奉本國政府飭令對於大中華民國政府達知如下本國駐紮塞爾維亞國欽差於本月二十三日交與塞國政府公文一件要請該國政府設法俾了結由塞國所發生鼓動本國邊境擾亂之事並要求於四十八點鐘內答復因該期內未收受滿意答復本國駐塞國欽差遵照本國政府飭令斷絕與該國之交際並同令該使館官員等離開塞國京城相應照會貴總長查照可也

### 外交部復奧訥使照會

爲照會事頃准貴公使二十七日照會以貴國與塞爾維亞國斷絕國際關係等語本總長業已閱悉相應照復貴公使查照可也須至照會者

### 俄格署使致外交部照會 八月三日

爲照會事頃准本國外交部大臣電稱現在俄國與德國開戰等情前來相應照會貴總長查照可也須至照會者

### 外交部復俄格署使照會

爲照復事八月三日接准照稱現在貴國與德國開戰等語本總長業已閱悉相應照復貴署公使查照可也須至照會者



德馬署使致外交部照會 八月三日

爲照會事頃奉本國柏林外部電稱德國於本月一日已與俄國開戰等因奉此本署大臣遵守本國政府命令相應將此佈告大中華民國政府知照須至照會者

外交部復德馬署使照會

爲照復事八月三日接准照稱現在貴國與俄國開戰等語本總長業已閱悉相應照復貴署公使查照可也須至照會者

德馬署使致外交部照會 八月四日

爲照會事頃奉本國首相電稱因法國八月一日屢次用兵攻打德國領地德國現與法國開戰等因奉此本署大臣遵守本國政府命令相應將此佈告大中華民國政府知照須至照會者

外交部復德馬署使照會

爲照復事接准八月四日照稱德國現與法國開戰等因本總長業已閱悉相應照復貴署使查照可也須至照會者



官書報局廣告

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特爲標出各界諸君購閱請逕向學院街本局總發售處面訂可也計開書目如左

國語教授法

洋二角八分八釐

算術教授法

洋一角六分八釐

手工教授法

洋一角一分四釐

圖畫教授法

洋一角一分四釐

以上四種日本田中廣吉著南州熊崇煦譯

合購洋六角八分四釐

初等小學讀本

第一卷

洋三分

初等小學讀本教案

第一卷

洋一角二分

初等小學讀本

第二卷

洋三分六釐

初等小學讀本教案

第二卷

洋一角八分

初等小學修身書

第一卷

洋一分八釐

初等小學修身教案

第一卷

洋六分



初等小學修身書

第二卷

洋二分四釐

初等小學修身教案

第二卷

洋六分

初等小學修身書第一卷掛圖十三張

洋一元二角

初等小學算術教案

第一卷

洋一角二分

小學各科實際教授法

特裝合訂一冊

洋一元二角

手工教科書

美國博克薩爾氏著  
江蘇謝懋叔譯

特裝每部二冊

洋三角

少儀教科書

日本相島龜三郎著  
湘潭胡邁譯

特裝

洋九角  
洋四角 另二釐

兒童教授法

美國耳哈博士著  
南昌羅黑子譯

特裝

洋二角四分  
洋一角三分二釐

兒童自力研究之啓導法

美國麥加利博士著  
南昌羅黑子譯

特裝

洋二角四分

兒童個性之研究

日本大川義行著  
長沙楊樹遠譯

印刷中

新教育學

日本大瀨甚太郎著  
長沙黃獨譯

印刷中

本局出售各書從前係照碼六折發行久經於湖南政報登載廣告茲恐閱者或有誤會以致疑其昂貴特將各書價碼照實售價值改正 閱者注意